

ՀԱՅԱՍՏԱՆԻ ԱՌԱՋԻՆ ՀԱՄԱՇԽԱՐՀԱՅԻՆ ՊԱՏԵՐԱԶՄԻ ՏԱՐԻՆՆԵՐԻՆ

1. ՊԱՏԵՐԱԶՄԱԿԱՆ ԳՈՐԾՈՂՈՒԹՅՈՒՆՆԵՐԸ ԿՈՎԱՍԱՅԱՆ ՌԱԶՄԱՃԱԿԱՏՈՒՄ

Առաջին համաշխարհային պատերազմն սկսվեց 1914 թ. օգոստոսի 1-ին (հուլիսի 19-ին) իմպերիալիստական պետությունների երկու խմբավորումների՝ Անտանտայի (Անգլիա, Ֆրանսիա, Ռուսաստան) և գերմանո-ավստրիական բլոկի (Գերմանիա, Ավստրո-Հունգարիա, Թուրքիա, որոնց 1915 թ. միացավ և Բուլղարիան) միջև։ Անտանտային հետագայում միացան նաև Իտալիան, Ճապոնիան, Ռումինիան և Ամերիկայի Միացյալ Նահանգները։ Կայսերական Գերմանիան օգոստոսի 1-ին պատերազմ հայտարարեց Ռուսաստանին, օգոստոսի 3-ին՝ Ֆրանսիային, իսկ 4-ին Անգլիան՝ Գերմանիային։ Պատերազմական գործողություններն սկսվեցին Եվրոպայի, Աֆրիկայի և Ասիայի մայրցամաքներում։ Եվրոպայի Արևմտյան և Արևելյան ռազմական թատերաբեմերն առաջին համաշխարհային պատերազմի զխավոր ճակատներն էին, իսկ երկրորդական ճակատներն էին Բալկանյան, Իտալական, Հյուսիս-Աֆրիկյան, Հեռավոր արևելյան, Կովկասյան, Գալիպոլյան և այլն։ Պատերազմող պետությունների երկու խմբավորումներն իրենց հիմնական ուժերը կենտրոնացրել էին Եվրոպայի ճակատներում։ Պատերազմը տևեց չորս տարուց ավելի և ընդգրկեց 33 պետություն՝ 1,5 միլիարդ բնակչությամբ, որը կազմում էր երկրագնդի ամբողջ բնակչության 75 տոկոսը։ Պատերազմի ընթացքում զորակոչվեց 74 միլիոն մարդ, որից մոտ 10 միլիոն սպանվեց, Վիրավորները թիվը հասնում էր 20 միլիոնի, համաճարակներից և սովից մահացավ 10 միլիոն մարդ։

Պատերազմի բուռն պատճառն իմպերիալիստական պետությունների միջև գոյություն ունեցող սուր հակասություններն էին, որոնք արտահայտվում էին աշխարհը վերաբաժանելու, նոր գաղութներ, հումքի աղբյուրներ և կապիտալի ներդրման նոր շրջաններ ձեռք բերելու հարցերում։ Իմպերիալիստական պետությունները զավթողական, կողոպտչական, անարդարացի պատերազմը ներկայացնում էին որպես ճնշված ժողովուրդների «ազատագրման» համար մղվող պատերազմ։

Վ. Ի. Լենինը, վերլուծելով առաջին համաշխարհային պատերազմի բնույթը, նշել է. «Պատերազմող երկրների երկու խումբն էլ ամենևին մեկը մյուսին չեն դիմում կողոպտչական, գաղանդությունների և պատերազմի անվերջ դաժանությունների մեջ... յուրաքանչյուր երկրի բուրժուազիան հայրենասիրության մասին կեղծ ֆրազով ջանում է մեծարել «իր» ազգային պատերազմ-

մի նշանակությունը և հավատացնել, թե ինքը ձգտում է հակառակորդին հաղթել ոչ թե թալանելու և երկրներ զրավելու համար, այլ, իր սեփական ժողովրդից բացի, բոլոր մյուս ժողովուրդների «ազատագրության» համար¹:

Անգլիական միլիտարիզմի պարագլուխներից Լյուդ Զորշը Անտանտայի մեջ մտնող պետությունների պատերազմի նպատակը շանում էր ներկայացնել որպես թույլ պետությունների փրկության համար մղվող պատերազմ, «ժողովուրդների ազատագրման պատերազմ»²: Իսկ լորդ Քերրոնը նշում էր. «Երբ դաշնակիցները ներգրավվեցին պատերազմի մեջ, նրանց նպատակներից մեկը Փոքր Ասիայում զգալի թիվ կազմող բրիտանական փոքրամասնությունների պաշտպանությունը և, հնարավորության դեպքում, նրանց ազատագրումն էր: Դա առանձնապես վերաբերում է Հայաստանին...»³:

Պատերազմին մասնակցող իմպերիալիստական բոլոր պետություններն ունեին իրենց նվաճողական պլանները: Գերմանիայի նպատակն էր գերիշխանություն հաստատել Եվրոպայում, լիակատար պայտույթյան մատնել Անգլիային ու զրկել նրան գաղութներից, ջախջախել Ֆրանսիային ու Բելգիային և տիրանալ նրանց գաղութներին, թուլացնել ցարական Ռուսաստանին, զավթելով նրանից Ուկրաինան, Լեհաստանը, Մերձբալթյան երկրները և ամրանալ Բալկաններում ու Մերձավոր Արևելքում: Կալդերական Գերմանիայի զինակից Ավստրո-Հունգարիայի ձգտումն էր գերիշխանություն հաստատել ողջ Բալկաններում:

Անգլիան, մտնելով պատերազմի մեջ, ձգտում էր պահպանել իր հսկայական գաղութները, ջախջախել զլխավոր հակառակորդին՝ Գերմանիային, տիրանալ Միջագետքին, Պաղեստինին և ամրանալ Եգիպտոսում: Ֆրանսիայի նպատակն էր Գերմանիայից ետ զրավել 1871 թ. նրա կողմից նվաճված Էլզաս-Լոթարինգիան և զավթել Սաարիի ավազանը: Ցարական Ռուսաստանը ձգտում էր տիրանալ Սև ծովի նեղուցներին, Արևմտյան Հայաստանին և Գալիցիային: Իտալիան նվաճողական նպատակներ էր հետապնդում Բալկաններում և Ալպսոտ-Հունգարիայում: Ամերիկայի Միացյալ Նահանգները, որոնք պատերազմի մեջ մտան միայն 1917 թ. ապրիլին, ցանկանում էին օգտագործել պատերազմող կողմերի թուլացումը և իրենց կամքը թելադրել նրանց:

Օսմանյան կայսրության պատերազմի մեջ մտնելու հիմնական նպատակն էր Գերմանիայի օգնությամբ իրազործել պանթուրքական զավթողական պլաններն Անգրեզովկասի, Հյուսիսային Կովկասի, Ղրիմի, Իրանական Ադրբեջանի և Միջին Ասիայի նկատմամբ: Պատահական չէ, որ «ընդառաջելով» երիտթուրքերի կառավարության դիմումին, 1913 թ. դեկտեմբերի 14-ին Գերմանիան թուրքիա ուղարկեց զենքերով Լիման Ֆոն Մանգերսի զխավորած ռազմական միսիան, թուրքական բանակը ընդգեմ Ռուսաստանի պատրաստելու նպատակով: Գերմանական ռազմամուկները հույս ունեին, որ թուրքական բանակի միջամտությամբ ռուսական ուժերի մի զգալի մասը կմնա կովկասյան ճակատում և, դրանով իսկ, կգյուրանա իրենց հարձակումն Արևմտյան ճակատում:

1 Վ. Ի. Անդեև, ԵԺԺ, հ. 26, էջ 19:

2 Տե՛ս Մ. Դժորժ՝ Правда о мирных договорах, т. 2, пер. с англ., М., 1967, стр. 6, 12:

3 «Հայաստանը միջազգային դիմադրությունից և սովետական արտաքին քաղաքականության փաստաթղթերում (1828—1923)», էջ 736:

Նրանք հույս ունեին նաև դաշնակցելով Օսմանյան կայսրության հետ շահել անգլիական ու ֆրանսիական դադութների մահմեդականների համակրանքը:

Պատերազմի հայտարարման առաջին օրերին՝ օգոստոսի 2-ին և 6-ին և 4. Պոլսում, խիստ գաղտնի իրադրության մեջ, Թուրքիայի և Գերմանիայի միջև կնքվեցին ռազմական պայմանագրեր՝ ուղղված Ռուսաստանի դեմ: Օգոստոսի 6-ի պայմանագրի հինգերորդ հոդվածում ասված էր. «Գերմանիան կօգնի Օսմանյան կայսրության արևելյան սահմանները շտկել այնպես, որ Թուրքիայի համար ապահովի անմիջական շփում Ռուսաստանում բնակվող մահմեդական ազգաբնակչության հետ»⁴: Դա նշանակում էր, որ Թուրքիան Գերմանիայի օգնությամբ պետք է նվաճեր նաև Արևելյան Հայաստանը և անմիջապես սահմանակից դառնար Ադրբեջանին ու Հյուսիսային Կովկասին:

Գերմանո-ավստրիական խմբավորմանն իր մասնակցությունը քողարկելու նպատակով Թուրքական կառավարությունը օգոստոսի 3-ին հայտարարեց Օսմանյան կայսրության շեղբուցյան մասին: Թուրքիայում իշխանության գլուխ անցած երիտթուրքական եռյակի (Թալեաթ, էնվեր, Ջեմալ) անդամներից՝ Ջեմալ փաշան հետագայում խոստովանել է. «...մենք մեզ շեղբ հայտարարեցինք միայն ժամանակ շահելու համար. մենք սպասում էինք այն պահին, որ մեր զորահավաքն ավարտվի և մենք կարողանանք մասնակցություն ունենալ պատերազմին»⁵:

1914 թ. հոկտեմբերի 29—30-ին գերմանական ծովակալ Սուշոնի գլխավորությամբ գերմանո-թուրքական նավատորմն ուխտադրուժ հարձակում գործեց Ռուսաստանի սևծովյան նավահանգիստների՝ Թեոդոսիայի, Սևաստոպոլի, Օդեսայի, Նովորոսիյսկի վրա: Դրանից հետո Ռուսաստանը նոյեմբերի 2-ին պատերազմ հայտարարեց Թուրքիային:

Համաշխարհային պատերազմի մեջ մտնելով, Օսմանյան կայսրությունը բացահայտում էր իր պանթուրքական նպատակները: «Մեր մասնակցությունը համաշխարհային պատերազմին, — ասված է երիտթուրքական կառավարության կողմ, — արդարացվում է մեր ազգային իդեալով: Մեր ազգի իդեալն առաջնորդում է մեզ դեպի մեր մոսկովյան թշնամու ոչնչացումը, որպեսզի զրա հետևանքով ստեղծվեն մեր կայսրության բնական սահմանները, որոնք իրենց կազմում կունենան և կմիավորեն մեր ռասայի բոլոր ճյուղավորումները»⁶:

Թուրքական գլխավոր շտաբի կողմից մշակված ստրատեգիական պլանի համաձայն, գլխավոր ուժերը պետք է արագորեն գրավեին Անդրկովկասը և զրանով ապահովեին Թուրքական զորքերի հետագա առաջխաղացումը դեպի Ռուսաստանի մահմեդականներով բնակեցված մյուս շրջանները, ինչպես նաև հարևան երկրները: Ընդ որում Թուրքական զորքերն իրենց առաջխաղացման ընթացքում մահմեդական ժողովուրդներին պետք է հրահրեին ապստամբությունների:

Թուրքիայի համար ռազմական գործողությունների կարևորագույն թատերաբեմը Կովկասյան ճակատն էր: Թուրքական 800 հազարանոց բանակի

⁴ Ю. Ключников и А. Сабинин, Международная политика новейшего времени в договорах, нотах и декларациях, ч. II, М., 1926, док. № 10.

⁵ «Джемаль-паша, Записки 1913—1919 гг.», пер. с англ., Тифлис, 1923, стр. 101—102 (այսուհետև՝ «Записки...»).

⁶ ՍՄԶՄ ՊԿԹՊԱ, §. 2000, ց. 1, գ. 752, ք. 343—345.

300 հազար զինվորը կենտրոնացված էր Անգրկովկասյան ճակատում⁷։ Դա թուրքական երրորդ բանակն էր, որն ուներ երեք կորպուս՝ 9-րդ (Կարին), 10-րդ (Նրզնիս) և 11-րդ (Վան)։ Թուրքիայի մնացած բանակներն իրենց հզորությամբ զգալիորեն զիջում էին 3-րդ բանակին։ Մյուս ճակատներում զորքերը տեղաբաշխված էին հետևյալ կերպ։ Դալիպոլիի ճակատում՝ 200 հազար, Սիրիական ճակատում՝ 100 հազար, Արևելյան Թրակիայում և Ստամբուլի շրջանում՝ 100 հազար, Փոքր Ասիայում՝ 50 հազար և Միջագետքի ճակատում՝ 50 հազար զինվոր⁸։

Անգրկովկասի արշավանքի կազմակերպիչ, գլխավոր նախաձեռնող ու ռզեշնչող էնվերը, գտնում էր, որ Անգրկովկասի մահմեդական ժողովուրդներին ու պատամրություններին ղեկավարում 300—350 հազարանոց բանակը կարող է ռուսներին դուրս բրնել Կովկասից։

Ռուսական զորքերի հրամանատարությունը քաջ հայտնի էր Անգրկովկասի սահմանակից շրջաններում թուրքական խոշոր ուժերի կենտրոնացումը, ուստի և ձեռնարկվեցին համապատասխան միջոցներ։ 1914 թ. օգոստոսին երկրամասի փոխարքա Վորոնցով-Դաշկովի հրամանատարությամբ կազմվեց կովկասյան բանակը։ Նոյեմբերի սկզբին այդ բանակի զինվորների ընդհանուր թիվը հասնում էր 200 հազարի։ Չնայած ռուսական բանակը թվաքանակով զգալիորեն զիջում էր թուրքականին, բայց զրա փոխարեն գերազանցում էր հրամանատարական կազմի պատրաստվածությամբ, զինվորների մարտունակությամբ ու ռազմական տեխնիկայով։

Կովկասյան ռազմաճակատում պատերազմական գործողություններն սկսվեցին 1914 թ. աշնանը։ Ռազմաճակատն ուներ 720 կիլոմետր երկարություն՝ ձգվում էր Սև ծովից մինչև Ուրմիա լիճը։ Այս ռազմաճակատում զորքերի հրամանատարներ էր Հասան Իզզեթ փաշան, Նոյեմբերի 2-ին թուրքական զորքերն անցան հարձակման և խոշոր ուժերով ներխուժեցին Բաթումի մարզը։ Թուրքական հրամանատարությունը պատերազմի հենց սկզբից քացատիկ ուշադրություն էր դարձնում Աջարիայի վրա։ Այնտեղ ուղարկված լրտեսներն ու գործակալները ջանում էին ազդել վրացի-մահմեդականների կրոնական զգացմունքների վրա՝ նրանց մեջ Թուրքիայի նկատմամբ համակրանք առաջ բերելու նպատակով։ Նրանք բնակչությանը գենք էին բաժանում և փորձում հրահրել զինված ելույթների՝ ռուսական զորքերի թիկունքում։ Պատերազմի սկզբին հակառակորդի գերակշռող ուժերի ճնշման տակ ռուսական զորքերն ստիպված էին նահանջել, և թուրքերը Նոյեմբերի սկզբին զրավեցին Արդվինն ու Արդանուշը։ Ռուսական զորքերը նահանջեցին դեպի Աջարիս-Սզալի գետը՝ Բաթումից ոչ հեռու։

Թուրքական զորքերի կողմից զավթված շրջանների քրիստոնյա ազգաբնակչությունը՝ հայերը, հույները և ասորիները ենթարկվեցին թալանի ու բնաջնջման։ Արդանուշի ու Արդվինի զրավման առաջին իսկ օրից թուրքական

7 Տե՛ս ՍՍՀՄ ԳՊՌՊԱ, ֆ. 418, ց. 1, գ. 4348, թ. 123.

8 Տե՛ս ՍՍՀՄ ԳՊՌՊԱ, ֆ. 2000, ց. 1, գ. 3891, թ. 1։ Այլ տվյալներով, Թուրքական բանակը պատերազմի սկզբներին բաղկացած էր մեկ միլիոն զինվորից (նույն տեղում, ֆ. 2000, ց. 1, գ. 824, թ. 192)։ Մի ուրիշ աղբյուրում Թուրքական բանակի ընդհանուր թիվը հասնում է մեկ և կես միլիոնի, ներառյալ պահեստի զորքը (206 հազար), բանժողական զամառականները (300 հազար), բժշկականներ և քրդերից կազմված անկառի զորամիավորումները (100 հազար) (նույն տեղում, գ. 304, թ. 369)։

գործերը զազանաբար հաշվեհարդար տեսան հայ բնակչության հետ: Արդվին քաղաքի բնակչության միայն կեսին հաջողվեց փախչել Անդրկովկասի խորքը: «Արդվինի գավառն այլևս գոյություն չունի,— գրում էր ակնառատներից մեկը,— ամեն ինչ թալանված է, բնակչության մեծամասնությունը սրի է քաշված... Դուք կարող եք շրջել տասնյակ գյուղեր և ոչ մի տեղ կենդանի արարածի... չհանգիսի, դիակներ ու դիակներ... անասունները քշվել են, տները՝ քարուքանդ արվել»⁹:

Շարունակելով հարձակումը, թուրքական զորքերը ձգտում էին Սարիղամիշի շրջանում դուրս գալ ռուսական բանակի զլխավոր ուժերի թիկունքը:

1914 թ. դեկտեմբերի 22-ից մինչև 1915 թ. հունվարի 18-ը թուրքական երրորդ բանակի և ռուսական բանակի միջև տեղի ունեցած համառ մարտերը պատմության մեջ կոչվեցին Սարիղամիշի օպերացիա:

Այդ օպերացիային մասնակցող թուրքական բանակում կար 90 հազար զինվոր, մինչդեռ ռուսական բանակը 64 հազարից չէր անցնում: Սարիղամիշի ճակատում էնվերը հույսը դրել էր իր զորքերի թվական գերակշռության վրա: Երկու կողմերն էլ կոչվում էին համառորեն դժան ծնուն և լեռնային ծանր պայմաններում: Արյունահեղ մարտերից հետո թուրքական զորքերը ներխուժեցին Սարիղամիշ: Սակայն նախաձեռնությունը շուտով անցավ ռուսական բանակի ձեռքը: Թշնամին Սարիղամիշից դուրս չարտվեց: Ռուսական զորքերը հակահարձակման անցան և թուրքական 9-րդ կորպուսը կտրեցին նրա հիմնական ուժերից: 40 հազարանոց այդ կորպուսը մեթոդովին ուղնչացվեց: Նրա հրամանատար գեներալ Ալբիս Ալի Իսհան փաշան շտաբի հետ միասին գերի հանձնվեց: Թուրքերի կորուստները չափազանց մեծ էին. շատ զինվորականներից ու գեղերից գրեթե ոչինչ չէր մնացել: «Սարիղամիշի ողբերգությունը,— գրել է թուրքական 29-րդ զինվորային հրամանատար Արիֆ Բավտինը,— ավարտվեց 3-րդ բանակի երկու ընտիր կորպուսների լրիվ ունչացումով»¹⁰:

Սարիղամիշի ուղղությամբ ճակատ պահող 10-րդ և 11-րդ կորպուսներից մնացած զորքերը համախմբելով, էնվերը վերջին ջանքերը գործադրեց Բարդիզի շրջանում (Սարիղամիշից հյուսիս-արևմուտք) հակահարձակման անցնելու համար: Սակայն ռուսական զորամասերի ճնշման տակ թուրքական զորքերը, մեծ կորուստներ կրելով, ետ շարտվեցին: Համոզվելով, որ Սարիղամիշի մարտը վերջնականապես տանու է արված, էնվերը 3-րդ բանակի մնացորդները (մոտ 13 հազար մարդ) հանձնեց գնդապետ Հաֆի Հաքքերեյին և ինքը գաղտագողի լքելով բանակատեղը, հազիվ խուսափեց գերի ընկնելուց:

Հունվարի 11-ին ռուսական զորքերը գրավեցին Բարդիզը և շարունակեցին ջախջախված 10-րդ կորպուսի մնացորդների հետապնդումը: 11-րդ կորպուսի զորքերը փորձում էին կասեցնել ռուսների բուռն հարձակումը: Հունվարի 17-ից սկսած Կարակուրգանի շրջանում եռօրյա համառ մարտերը ավարտվեցին 11-րդ կորպուսի ջախջախումով և նրա անկանոն փախուստով դեպի Կարին: Սարիղամիշի և Կարակուրգանի տակ տեղի ունեցած մարտերից հետո թուր-

⁹ «Кавказское слово», 1914, 31 դեկտեմբերի:

¹⁰ Arif Baftin, İlk Dünya harbinde Kafkas cephesi 29 tümen ve 3 alay sancığı (Hatıraları), İstanbul, 1946, s. 121.

քերը ոչ թե նահանջում, այլ փախչում էին՝ նետելով այն ամենը, ինչ խանգարում էր փախուստին¹¹, Սարիղամիշի մարտերում թուրքական 90 հազար զինվորներից սպանվեցին, ցրտահարվեցին ու զերի ընկան շուրջ 78 հազար մարդ։ Կ. Պոլսում արգելված էր խոսել կամ գրել այդ աղետի մասին։

Սարիղամիշի ճակատամարտում թուրքական զորքերի կրած պարտությունը մեծ ազդեցություն ունեցավ Կովկասյան ճակատում ուղեմական զործողությունների հետագա ռազմական ծրագրի վրա։ Սարիղամիշի ճակատամարտը թուրքական հրամանատարությանը ստիպեց մյուս ճակատներին Կովկաս փոխադրել զգալի քանակությամբ զորք, որը հնչտացրեց անգլիացիների գործողությունները Միջագետքում և Սուեզի ջրանցքի գոտում։

Ռուսաստանի ղեկ պատերազմի հենց սկզբին թուրքական հրամանատարությունը նախատեսել էր Կովկաս ներխուժել ոչ միայն հիմնական՝ Սարիղամիշ—Կարս ուղղությամբ, այլև Իրանական Աղբրեջանի կողմից, Ստրատեգիական պլանի համաձայն, թուրքական զորքերը պետք է գրավեին Ուրմիայի գավառը և այնտեղ բազաններ ստեղծեին հետագայում խոյ—Ջուֆա—Քաջու և Սուլդուզ—Սուուզ—Բուլաղ ուղղություններով հարձակողական գործողություններ ծավալելու համար։ Թուրքական հրամանատարությունը համոզված էր, որ կստանա իրանական իշխանությունների ու տեղական քուրդ շեյխերի աջակցությունը և նրանց օգնությամբ կհաջողվի հարավային Աղբրեջանի բնակչությանը ոտքի հանել այնտեղ գտնվող ռուսական զորքերի դեմ և կկարողանա իրագործել Իրանի տերիտորիայից Անգրևովկաս ներխուժելու իր պլանը։

Սակայն թուրքերը շատ աննշան ուժեր կարողացան առանձնացնել դեպի Իրան արշավելու համար, քանի որ զորքերի մեծ մասը նետված էր Բաթումի մարզի և Սարիղամիշի վրա։ Թուրքերին հաջողվեց փոքրաթիվ ուժերով գրավել Թավրիզը, Ուրմիան և Դիլմանը, որովհետև Սարիղամիշի օպերատիվ ամենազովարիսն պահին Չեռնոգորովի հրամանատարությամբ գործող ռուսական ջոկատը Հյուսիսային Իրանից փոխադրվեց Կովկասյան ճակատ։ Օսմանյան զորամասերի մուտքն Իրանական Աղբրեջան ուղեկցվում էր խաղաղ բնակիչների՝ պարսիկների, ասորիկների, քրդերի, հայերի կողպուստով ու կոտորածներով։

Կովկասյան բանակի հրամանատարությունը, թուրքերի առաջխաղացումը կանխելու նպատակով, Սարիղամիշի տակ նրանց չափախելուց հետո, Իրան փոխադրեց զգալի ուժեր և 1915 թ. գարնանը թուրքական զորքերին չափախեց ու դուրս շարտեց Իրանական Աղբրեջանից։ Այդ գործում ռուսական բանակին էական օգնություն ցույց տվեցին հայկական կամավորական ջոկատները։

Իրենց նվաճողական պլաններն իրականացնելու գործում երիտթուրքական զավթիչները մեծ հույսեր էին կապում սուլթանի կողմից 1914 թ. նոյեմբերի 11-ին հայտարարած «սրբազան պատերազմի»՝ չիհաբի հետ։ Տակավին նախքան Թուրքիայի պատերազմի մեջ մտնելը, Կ. Պոլսում կազմվել, օտար լեզուներով թարգմանվել ու տպագրվել էր «Սրբազան պատերազմը պարտադիր է» կոչը¹²։ Առաջին համաշխարհային պատերազմի տարիներին երիտթուր-

11 Տե՛ս ՎՍՄՀ ԿԳՊԱ, ֆ. 2, ց. 1, գ. 3599, ք. 24.

12 Տե՛ս ՎՍՄՀ ԿԳՊԱ, ֆ. 2000, ց. 1, գ. 3386, ք. 16.

քերը մեծ ջանքեր էին գործադրում, որպեսզի իրենց կողմը թեթևակա՜ն սահմանների մոտ զտնվող շրջանների, հատկապես Կովկասի, մահմեդական ազգաբնակչությանը, Սակայն թուրքական կառավարության բոլոր ջանքերը՝ ծավալելու «շիհաթը» — մահմեդական աշխարհի «սրբազան պատերազմը» Ռուսաստանի դեմ, ձախողվեց։ Էնվերի մերձավորագույն ղինակիցներից մեկը՝ Քյազըմ Կարաբեքիր փաշան նշում էր. «Ենայած մեր կողմից սրբազան պատերազմի հայտարարմանը, ապստամբությունը, որի վրա մենք հույս էինք դրել, չէր բռնկվում»¹³։

Մահմեդական զանգվածները շինտեցին երիտթուրքական ազդեցություններին, որոնք ամեն կերպ փորձում էին ազդել նրանց կրոնական զգացումներին վրա։ Դրանում թուրքական ներխուժողները շատ շուտով համոզվեցին գրավված Բաթումի ու Կարսի մարզերում։ Կովկասի ժողովուրդները, որոնք լավ էին հիշում ենիշերիների արյունոտ բռնակալությունը, քաջ գիտակցում էին, որ թուրքական զավթիչներից ոչինչ չի կարելի սպասել, բացի քայքայումից ու վերադարձից դեպի միջնադարյան բարբարոսություն։ Ուստի միանգամայն բնական էր, որ թուրք ազդեցությունների կոչերն ու խոստումները ազդեցություն չունեցան Կովկասի մահմեդական ազգաբնակչության լայն խավերի վրա։

1915 թ. սկզբներին Կովկասյան ճակատի ռազմական գործողություններն արդեն ընթանում էին Արևմտյան Հայաստանի տարածքում։ Կովկասյան բանակի շորթորդ կորպուսի զորամասերը, որոնք գործում էին Նրևանի ուղղությամբ և տակավին պատերազմի սկզբներին մտել էին Բայազետի ու Ալաշկերտի հովիտները՝ ռուսական զորքերի ձախ թևն ապահովելու նպատակով, Սարիղամիշի տակ թուրքական զորքերի շախչախումից ու ռուսական թևանակի հաջող հարձակումից հետո, ավելի աշխուժացրին իրենց գործողությունները, նրանց անընդմեջ հարվածների տակ թուրքական զորքերն անկանոն ձևով նահանջում էին դեպի Մուշ և Բիթլիս, թալանելով հայկական գյուղերը, ոչնչացնելով նրանց բնակիչներին։ Հետապնդելով հակառակորդին, ռուսական զորքերը 1915 թ. փետրվար-մայիս ամիսներին գրավեցին Մանազկերտը, Բաշկալեն, Շատախը, Կոթուրը, Արճնջը, Վանը։ Արդու-Քերիմ փաշայի հրամանատարության ներքո խոշոր ուժեր կենտրոնացնելով (89 զումարտակ) թուրքական հրամանատարությունը շորթորդ կորպուսի զորամասերի դեմ հակառակական կարգադրություն արեց։

Թուրքական զորքերի թվական զգալի գերազանցության պատճառով շորթորդ կորպուսն ստիպված էր նահանջել դեպի Ալաշկերտի հովիտը։ Հուլիսի վերջին օժանդակ ուժեր ստանալով, կորպուսի զորամասերն իրենց հերթին անցան հակահարձակման և, թուրքերին հետ շարտելով, նորից դուրս եկան Վանա լճի ափը։ Շուտով Արևմտյան Հայաստանի ամբողջ հարավ-արևելյան մասը ազատագրվեց թուրքական զորքերից։ Այժմ արդեն Կարս-Կարինի ուղղությամբ գործող զորքերի ձախ թևը, որտեղից նախապատրաստվում էր հարձակում Կարինի վրա, լիովին ապահովված էր։

Սկզբում այդ հարձակումը ծրագրվում էր ձեռնարկել 1916 թ. գարնանը։ Սակայն Գալիպոլիի թերակղզում դեռևս ոչ ինչնեղու գործողությունը, որը կազմակերպել էր Մեծ Բրիտանիայի ռազմածովային մինիստր Զերվիլը,

¹³ Kazim Karabekir, Cilian harbine neden girdik, nasıl idare ettik? kit. I, İstanbul, 1938, s. 490.

կատարելապես ձախողվեց և անդլիական հրամանատարությունը ստիպված իր զորքերը 1916 թ. հունվարին փոխադրեց Սալոնիկի ճակատը։ Այդ պատճառով էլ Կովկասյան բանակի հրամանատարությունը որոշում ընդունեց արագացնել Կարինի վրա նախապատրաստվող հարձակումը։ Հարկավոր էր կանխել Գալիպոլիի թերակղզուց թուրքական V բանակի զորամասերի ժամանումն Արևելյան Անատոլիա։ Սև ծովում ռուսական նավատորմի գերակշռությունը հեշտացնում էր ծովային ճանապարհով նոր ուժերի տեղափոխումը Կովկասյան ճակատ։

1916 թ. հունվարի 11-ին Կովկասյան բանակը հարձակման անցավ ամբողջ ճակատով։ Ռուսական զորքերը շարժվում էին երեք ուղղությամբ։ Օլթիի՝ թուրքական 11-րդ կորպուսի ձախ թևը շրջանցելու նպատակով, Կարս—Կարինի և Ալաշկերտի, Ալաշկերտի ուղղությամբ շարժվող զորքերի առջև խնդիր էր դրված Կանա լճի շրջանում գործող հակառակորդի ուժերը կտրել Կարինը պաշտպանող զորամասերից։ Ռուսական զորքերի ճնշմամբ թուրքերը ստիպված եղան նահանջել դեպի Մուշ։ Կարս—Կարինի ուղղությամբ առաջացող զորամասերի հանկարծակի հարվածով թուրքական ուժերը շարժվեցին դեպի Թորթում լիճը։

Ռուսական զորքերը հունվարի 16-ին հասան մինչև Քյոփրի-քյոյ, որ համառ կռիվներից հետո ջախջախեցին թուրքական երեք դիվիզիա, որոնց մենացորդները ետ շարժվեցին դեպի Կարին։ Այնուհետև երեք կողմից շրջապատեցին Կարինը։ Հարյուր-հազարանոց թուրքական բանակը չկարողացավ այն իր ձեռքում պահել։ Հնգօրյա գրոհից հետո, փետրվարի 16-ին, ռուսական զորքերը մտան Կարին և զբաղեցին բերդը։ Կարինի համար մղած ամբողջ մարտերի ընթացքում՝ հունվարի 11-ից մինչև փետրվարի 17-ը թուրքերը կորցրին 60 հազար մարդ, իսկ ռուսները՝ 16.735¹⁴։

Կարինի գրավումը ռազմաստրատեգիական մեծ նշանակություն ուներ, քանի որ այն Արևմտյան Հայաստանի բանալին էր և կարևոր դիրք էր գրավում Անդրկովկասից դեպի կենտրոնական Անատոլիա զնացող ղյխավոր գծի վրա։ Ռուսական բանակի ղյխավոր շտաբի բնութագրումով՝ «Կարինի բերդը միակ կետն է ամբողջ ասիական Թուրքիայում, որը միաժամանակ պաշտպանում է և՛ Անատոլիան, և՛ Սիրիան, և կարգավորում ստրատեգիական շարժումը դեպի Միջագետք։ Ընդհուպ մինչև Բոսֆորը այդպիսի մի ուրիշ կետ չկա»¹⁵։

Թուրքական կառավարությունն ամեն կերպ աշխատում էր րնակշռությունից թաքցնել Կարինի անկումը։ Թերթերին արգելված էր որևէ բան գրել այդ մասին։ Սակայն ճակատից ստացված նամակներից շուտով իմացվեց իրողությունը, որը մեծ խուճապ առաջ բերեց։ Բնակչությանը հանգստացնելու համար երիտթուրքները փորձեցին նսեմացնել այդ կորստի նշանակությունը։ Կառավարական մամուլը պնդում էր, որ թուրքական զորքերը նահանջել են «ստրատեգիական նկատառումներով», «ավելի նպաստավոր դիրքեր» գրավելու համար։

Հուլիսի 16-ին ռուսական զորքերը մտան Բայբուրթ (Բաբերդ)։ Հարձակ-

¹⁴ *Տե՛ս* Н. Г. Корсун, Эрзерумская операция на Кавказском фронте мировой войны в 1915—1916 гг., М., 1938, стр. 126.

¹⁵ ՍՍՀՄ ԿԳՊԱ, ֆ. 2000, ց. 1, գ. 3885, թ. 21։

վելով ամբողջ ճակատով, Կովկասյան բանակի զորամասերը մոտենում էին Երզնկային: Այդ առաջխաղացմանը մեծ օգնություն ցույց տվեց Առափնյա ջոկատը, Այն իր հարձակումն սկսելով Բաթումի մարզից և առաջանալով Սև ծովի ափի երկայնքով, Բիզե քաղաքի մոտ դեռևս չհանած ռուսական նավատորմի զործուն աջակցությամբ ապրիլի 16-ին գրավեց Տրապիզոնը: Առափնյա ջոկատի առաջխաղացումը խանգարեց թուրքական 3-րդ բանակին ետ մղելու ռուսական զորամասերի զրոհը Երզնկայի վրա: Համագործակցությամբ հարվածներով Կովկասյան 5-րդ և թուրքեստանյան 2-րդ կորպուսների զորամասերը հուլիսի 25-ին գրավեցին Երզնկան: Թուրքական 3-րդ բանակը նոր, ծանր պարտություն կրեց¹⁶:

Այսպիսով, 1915 թ. նոյեմբեր-դեկտեմբերին և ամբողջ 1916 թ. ընթացքում տեղի ունեցած մարտերի շնորհիվ Կովկասյան բանակը, ապահովելով Անդրկովկասը թուրքական զորքերի ներխուժումից և նվաճելով Արևմտյան Հայաստանի մեծ մասը, կատարեց իր հիմնական առաջադրանքը:

Երկարատև ու քայքայիչ պատերազմն զգալիորեն թուլացրեց ինչպես թուրքական զորքերի, այնպես էլ ռուսական Կովկասյան բանակի մարտունակությունը, սակայն պատերազմող կողմերը ոչնչի առջև կանգ չէին առնում իրենց ռազմական նպատակներին հասնելու համար:

Պատերազմի շրջորդ տարում տնտեսական անկումն ու քայքայումը Ռուսաստանում այն աստիճան խորացան, որ ռուսական զորքերը բոլոր ճակատներում սկսեցին մեծ զրկանքներ կրել: Արևմտյան ճակատում ռուսական զորքերի կրած պարտությունները նպաստում էին հեղափոխական շարժումների ուժեղացմանը, որոնք ի վերջո հանգեցրին փետրվարյան բուրժուազանական հեղափոխությանն ու ինքնակալության տապալմանը: Ցարիզմի անկումից հետո իշխանության գլուխ անցած բուրժուական ավաճատիրական ժամանակավոր կառավարությունը, ժողովրդական ղանգվածների ցանկությանը հակառակ, հայտարարեց, որ ինքը հավատարիմ է մնում դաշնակիցներին և շարունակեց իմպերիալիստական պատերազմը: 1917 թ. հունիսին Արևմտյան ճակատում Կերենսկու ձեռնարկած հարձակումը կատարյալ ձախողում կրեց:

Միջազգետում անգլիացիների ռազմական գործողություններին աջակցելու նպատակով Կովկասյան բանակի հրամանատարությունը հարձակվան նետեց Բարաթովի էքսպեդիցիոն կորպուսը: Այդ կորպուսի զորքերը, հաջող մարտերից հետո, 1917 թ. փետրվարի վերջին—մարտի սկզբին գրավեցին Համադանը, Քերմանշահը, Բիջարը, իսկ մարտի 23-ին՝ Սպահանը: Անգլիական զորքերը, շարժվելով Բաղդադի ուղղությամբ, փետրվարի 23-ին գրավեցին Կուտ-էլ-Ամարան: Քսան հազար թուրքական զինվորներ ու սպաներ գերի հանձնվեցին անգլիացիներին, Կուտ-էլ-Ամարայի տակ կրած պարտությունից հետո թուրքական զորքերը փախուստի դիմեցին: Մարտի 11-ին անգլիացիները մտան Բաղդադ: 1917 թ. ապրիլի 2-ին անգլիական զորքերը գնեճրալ Բարաթովի զորամասերի հետ հանդիպեցին Կզլ-Իսթաթում¹⁷:

Միջազգետի ճակատում անգլիացիների տարած հաղթանակները, ինչպես և Պաղեստինի ու Սիրիայի արագ գրավումը 1918 թ. աշնանը բացատրե-

16 Պատերազմական գործողությունների մասին տե՛ս Н. Г. Корсун, Эрзерумская операция...

17 S. A. E. Adamov, Раздел Азиатской Турции, М., 1924, стр. 83.

վում է գլխավորապես նրանով, որ նախապատրաստելով Անդրկովկասի նվաճումը, Թուրքական հրամանատարությունը խոշոր ուժեր էր պահում Արևմուտյան Հայաստանում:

Կովկասյան բանակը 1917 թ. կեսերից արդեն ի վիճակի էր հարձակում գարգացնել: Պատերազմի մի քանի տարիների ընթացքում զինվորները հսկայական զրկանքներ ու դժվարություններ էին կրել, կազմալուծվել էր թիկունքը, գլուխ էր բարձրացրել անիշխանությունը, զգացվում էր զինամթերքի սուր պակաս: Ժակատի պահեստային զնդերը միայն 55%-ով էին զինված անհրաժեշտ զենքով¹⁸, Չափազանց վատ վիճակում էր նաև ճակատը պարենով մատակարարելու գործը:

1917 թ. հունիսին Ալեքսանդրապոլի կայազորի պետն իր զորամասերից մեկից ստացավ հետևյալ հեռագիրը. «Բրիգադային կոմիտեն առաջարկում է ձեռք առնել վճռական միջոցներ... որպեսզի Զիբրալյան ջոկատի զինվորները քաղցից չմահանան»¹⁹, Կարինում գտնվող զինվորները գրում էին. «Կովկասյան ճակատը և, մասնավորապես մենք, մոռացված ենք աստուծ և մարդկանց կողմից: Հնաց, պարսիմատ, հագուստ չկա: Մարդիկ տառաջիտրեն սովահար են լինում: Մեզ առաջ են քշում, զրկելով ամենաանհրաժեշտ բաներից»²⁰:

Կովկասյան ճակատի զինվորները տրտունջից անցնում էին ակտիվ բողոքի: Աճում էր դասալքությունը: Զորամասերից մեկի զինվորական պատգամավորների սովետի նախագահ Անիսիմովը 1917 թ. մարտին ժամանակավոր կառավարության կոմիտեին խնդրում էր ձեռք առնել արտակարգ միջոցներ՝ դասալքության դեմ պայքարելու համար²¹, Տեղական իշխանությունների զեկուցագրերից մեկում ասված էր որ Երևանը լեփ-լեցուն է դասալիքներով²²:

Ինչ վերաբերում է Թուրքական բանակին, ապա վերջինս նրկում տիրող տնտեսական ու ֆինանսական քայքայման ու ռազմաճակատում կրած պարտությունների հետևանքով 1917 թ. էլ ավելի մեծ դժվարություններ էր կրում: Բանակը կազմալուծվում էր: Պատերազմի դեմ տարերային բողոքն արտահայտվում էր զանգվածային դասալքության ու զինվորական ծառայությունից ուղղակի խուսափելու ձևով:

1916 թ. նոյեմբերին Թուրքիայից ստացված մի նամակում ասվում է, որ դասալքությունը Թուրքական բանակի շարքերում տարածված է ոչ միայն զինվորների, այլև սպաների մեջ՝ ընդհուպ մինչև զումարտակների ու զնդերի հրամանատարները²³: 1916 թ. ամռանը այդ բանակի թիկունքում գտնվում էին 50 հազարից ավելի դասալիքներ²⁴: 1917 թ. գարնանը Թուրքիայում հաշվվում էր հարյուր հազարից ոչ պակաս դասալիք, որոնց մեծ մասը Թալինով էր զրազված²⁵:

18 ՏՆ՝ ՎՍՄՀ ԿԳՊԱ, ֆ. 1, ց. 5, դ. 430, թ. 41:

19 Նույն տեղում, գ. 6, թ. 211:

20 Նույն տեղում, թ. 41:

21 ՏՆ՝ Նույն տեղում, ֆ. 41, գ. 169, թ. 1:

22 ՏՆ՝ ՄԱԻ-ի Հայկական մասնաճյուղի արխիվ, ֆ. 33, գ. 517, թ. 14—15:

23 ՏՆ՝ ՎՍՄՀ ԿԳՊԱ, ֆ. 2, ց. 1, դ. 670, թ. 22:

24 Pomiankowski Joseph, Der Zusammenbruch des ottomanischen Reiches. Erinnerungen an die Türkei aus der Zeit des Weltkrieges. Zürich-Leipzig-Wien, 1923, S. 225.

25 ՏՆ՝ ԻԱԲԱՆ ֆ. «Թաղարիսի», գ. 3391, թ. 460:

Երկրի աղետալի վիճակը, որը վեր էր ածվել զերմանական իմպերիալիզմի մի կիսապաշտպան, ճակատներում կրած պարտությունները և բանակի արագ քայքայումը՝ այս բոլորը չէր մտահոգում իթթիհատական կլիկին։ Երիտթուրքերը շարունակում էին հուսադրել իրենց, որ զերմանական զենքն ի վերջո հաղթանակ կտանի Եվրոպայում և որ կայզերական Գերմանիայի օգնությամբ հնարավոր կլինի հասնել իրենց զավթողական նպատակներին իրականացմանը։ Ուստի և, ոտնահարելով երկրի ազգային շահերը, նրանք չէին ուզում պատերազմից դուրս գալ և նույնիսկ փորձում էին աշխուժացնել ռազմական գործողությունները։

2. ՀԱՅՅԵՐԻ ՄԱՍՆԱԿՑՈՒԹՅՈՒՆԸ ՊԱՏԵՐԱԶՄԻՆ ԵՎ ԿԱՄԱՎՈՐԱԿԱՆ ՇԱՐԺՈՒՄԸ

Կովկասյան ռազմաճակատում ծավալված պատերազմական գործողություններին հայ ժողովրդի ակտիվ մասնակցությունը պայմանավորված էր Արևմտյան Հայաստանն ազատագրելու նրա վաղեմի բաղձանքով։ Ուստի պատերազմի սկզբից լայն թափ ստացած հայկական կամավորական շարժումը ժողովրդական զանգվածների ինքնաբերական պոռթկումն էր, ազգային ազատագրության համար նրա մղած պայքարի տրամաբանական շարունակությունը։ Ցարական իշխանությունները, օգտվելով ժողովրդական այդ ոգևորությունից, խրախուսեցին կամավորական շարժումը, նույնիսկ չզլացան հրապուրել խոստումներ տալ հայ ժողովրդին։

Հայկական ազգայնական կուսակցությունները, հավատալով Արևմտյան Հայաստանի «ազատագրման» մասին ցարական կառավարության հավաստիացումներին, ակտիվ գործունեություն ծավալեցին այդ պատրանքներով սնելու ժողովրդական լայն զանգվածներին²⁶։

«Մշակը», «Հորիզոնը» և այլ թերթեր կոչ էին անում օդնել ռուսական բանակին։ «Մշակն» այն կարծիքն էր հայտնում, որ «հայերը կարող են և պետք է արտահայտեն իրանց ցանկությունը, որ ազատվող Թուրքաց Հայաստանին տրվի վարչական կազմակերպություն՝ ավտոնոմիայի հիման վրա, Ռուսաստանի հովանավորության ներքո»²⁷։

Ռուսաստանի նկատմամբ եղած հավատը համակել էր հայ հասարակական լայն շերտերին, հատկապես երիտասարդությանը, որը հանդես էր գալիս ռուսական զորքերի օգնությամբ Արևմտյան Հայաստանն ազատագրելու կոչերով։ «Հասել է այն պահը, երբ մենք պետք է ռուսական հաղթական բանակի շարքերում մարտնչենք ռիսերիմ թշնամու դեմ, Մեր արյունքսամ եղած եղբայրներն անհամբեր սպասում են մեզ։ Գնանք այնտեղ, ուր մեզ կանչում է մեր հայրենիքը, դա մեր սրբազան պարտքն է,— ասված էր այդ կոչերից մեկում»²⁸։

Անտանտայի օգտին լայն պրոպագանդա էր տարվում նաև արտասահմանյան հայկական գաղթօջախներում։ Հայ մտավորականները հանդես էին

²⁶ Ц. П. Агоян, Армянские политические партии и первая мировая война (в сб. «Первая мировая война», М., 1968, стр. 335—346).

²⁷ «Մշակ», 1914, № 245.

²⁸ ՎՍՍՀ ԿԳՊԱ, ֆ. 13/2, գ. 3162, ք. 12.